

O CHACHUNO THAGARESKORO CHHAVO

Ulo akana ekh thagar. Zhala ki voyna. Khay leski dasni si khamni. Phenla o das pe dasnyake:

– Shun! Me zhava ki voyna! Ako byansa rakles, kay baryola s mustat-si... Ako byansa kyose... Kay baryola o raklo, ka bichhales les amalesa. Ako si mustakintsa ka bichhales lesa bimustakingoro amal.

I thagarka bendyas. O raklo barilo. Musatakintsa si. Thay barilo o raklo, ka zhal pash pedadeste. Ya, ma i thagarni o rakleske kerela bilondo habe. O thagareskoro rakleske kerela londo habe. I tsidindya pash pedadeste.

Gele dureste zhi ko ekh hanik. O thagarno raklo, nali hala sa londo, mangel te piel pani. Phela:

– Be, amala! Be, mangav te piyav pani, be! Muk man te piyav, ba!

– Ka mukav tut!

Muklyas les.

– Ha, inkal man akana, be!

Na inkalela les. Phela:

– Ha sovlya! – phenla – Ka inkalav tut!

– E, save sovlya te hav?

– Che siyom o thagareskoro raklo, me!

– Te merav, te ushtyav – togava ka phukav!

Lela, inkaldyas les o rakles. Gele pash ko thagaris. Dikhela o thagar mustakintsa hem kyoses. O raklo o mustakingoro achhyola kalfa. Gele pash pe dades. Li okova phela... o kyose phenla:

– Me siyom to chhavo!

E, o das zhanla, chi si leskoro raklo. Beshte uthe. Lile, ale peske. Ale peske khere. Ay, akana okova raklo nashti... Zhala. Nashti te mudarel o raklws. Kerla pes naboryame. Phenla:

– Dade! Mangava kava te anel mange i lamyaki yurgani!

Te hal les i lami. Lilyas o rakloro, zhala. Ulo les ekh khuro. Ov byandilo, li i grasni byandyas. O khuro barilo. Inklisto o raklo o khuresa. Zhala. Gelo. Po atar isi ekh phuri dasni. Vrachka. Gelo pash late. Oy uli magesnitsa.

– Ela! Kariga tsidindyan?

Oy zhanel, kay tsidindyas.